



## نوه مرکبت شقامیة Nooh mirkabt shagaamiya

- 01 آندة توبوتے کھی فودیان، آرت هن إفرانته۔ 01 Aanda toobuuti khii guudiyaan, arit han ifaarna.
- 02 اُکواسنای یار اودھی تارت داوری رهیان۔ قالکته تهوي بهرونیٹ إدرانته۔ 02 Ukwaasanaay y'ar oodehay t'arit daawrii rhiyaan. Gaalka tehooy yhariwneet id'irna.
- 03 مَلیة اُکواسنة «أنیب آشوك دیمه و آدمے کیامالاقنته۔ بزوه بَشْرُو نُون وینة کیكے۔ أمڈهن هوي مَرِيَة أرى شیبوة نُفوق هولة إیبهد إكتین»۔ إدرے۔ 03 Malya Ukwaasana «Aniib Aashuuk diima w'aadami kii'am'alaagna. Baruuuh basharu nuun weena kiiki. Umidhhan hooy marriya aree sheebwa taguug hawla eebhad ikatiin.» idi.
- 04 نِفیلیم إبدنه وون ده بلیت تیبینه ایفین، هر ای هن براه ایفین۔ آن براه ادهیبت تارت إدرنیب هوي إفرانته، ونیت أشارة ده فینایاب اکای ایفین۔ 04 Nifiliim iidna wawin da baliit teeiyna iifiin, har'ii han baraah iifiin. Aan baraah udehayiit t'arit id'irniit hooy ifaarna, winneet ash'ara da finaayanaab akaay iifiin.
- 05 اُکواسنة اودھی توبوتے کھی شقامینیت تماقنای رهیه، بیت اودور هن براه اُکوتیت تونه هن ونیت ماقنایب اکای نیفے۔ 05 Ukwaasana udehay toobuuti khii shagaamiineet timaagnaay rhiya, beet oodoor han baraah ikwinneet tuuna han winneet maagnaayt akaay tiifi.
- 06 اُکواسنة اودھی منزینے اومهبین ونیت هوي اندمیة۔ 06 Ukwaasana oodehay manooyani oomhiin winneet hooy andimya.
- 07 مَلیة بزوه «أنی اودھی و اُکواسیب توبوتے کھی ایفین تپهنے کستوه کُودسا اندے۔ اودھیوة، اوربوة، ایکیلیوة، بوترنِفِیفاوة کسنیه توبوتی کھی ایفین کُودسا اندے، این بریه اُکواسیت تونه لهساتوتو»۔ إدرے۔ 07 Malya baruuh «Ani oodehay w'akwaaseeb toobuuti khii efeen tidhhan kastoo kwidhsaa andi. Oodehaywa, ooreewwa, eekilaywa, buutranfiifaawwa kasseh toobuuti khii efeen kwidhsaa andi, een bareeh akwaaseet tuuna lhasaatootu.» idi.
- 08 لاکین اُکواسنة نوه قیب أفرها ایفے، 08 Laakiin Ukwaasana Noohi geeb afirhaa iifi,
- 09 آن براه أرى نوهیب اوتاسو۔ نوه اوبهات اُکواسنای بهلیین شقامے۔ بزوه اُدمانیوس دهیبب شیبو تک یای اُنبو۔ 09 Aan baraah aree Noohiib ootaasu. Nooh uubhaat Ukwaasanaay bhaliyee shagaami. Baruuuh udamaaniyoos dehayiib shibu tak yaay anuubu.
- 10 نوه مهی ار ایبرے، بریه شیموة، هاموة، یافیتوة إبدنه۔ 10 Nooh mhay ar iibri, bareeh Sheemwa, Haamwa, Yaafetwa iidna.
- 11 اونتا توبور ماقت تتب، اُکواسنای تاپایت ایبرین إتونونته۔ 11 Oont'a tuubuur maagt titab, Ukwaasanaay t'iyyaayt iibriin itoonaawna.
- 12 اُکواسنة کک توبور تمقیت تونه رهیه، اودھی کسوه توبوتے کھی اُکوبر اُکواسنة آسیان۔ 12 Ukwaasana kak tuubuur timageet toona rhiya, udehay kassuuh toobuuti khii ikwiir Ukwaasana aasiyaan.

13 أُكْوَاسَنَة نُوْهِي دِهَآي «أَنِي تُون تَوُبُوْتِي كَهِي إِفِين  
أَوْدَهِي كَسُوْه دَقِيْبِي أَنْدِي- بَرَاه تَوُبُوْر مَاقِ إِتْبِنَة- أَوْنَتَا سِيْدِك  
أَنِي بَرِيْسُوَة تَوُبُوْر وَه كَسِيْتِيهِ كُوْدَسِي أَنْدِي-

13 Ukwaasana Noohi dehaay «Ani toon  
toobuuti khii efeen oodehay kassooh diggiyi  
andi. Baraah toobuur maag itibna. Oont'a  
sidik ani bareeswa toobuurwa kasseeh  
kwidhsi andi.

14 بَرُوْكَ إِقْرُوِيُوْكَ دِهَة وَوْنِ هِنْدِيْبِي مَرْكَبَتِ دَايَة- قَوَاب  
تَهْوِيْتِيْب دَايَة، مَلِيَة تَهْوِيَة تِسْرَاوَة كُوْتْرَانِ لِيْكِيَة-

14 Baruuk igarooyook deha wawin hindiyee  
mirkabt d'iya. Gawaab tehooyteeb d'iya,  
malya tehooywa tisaraatwa kwitraan liikiya.

15 إِمْقَمِدَة شَبِيْوَة مَهِي تَمُوْنُوَة مَهِي مِتْرَة كُوَاسَة، نَقُوَة مَلُو  
مِتْرَة مَرَأَتِ كُوَاسَة، تَمْنَة مَهِي مِتْرَة أَسَة نَقِيْقَسَة-

15 Imigmida sheebwa mhay tamuunwa mhay  
mitra kwaasa, tagwgwa malu mitra mar'at  
kwaasa, tamna mhay mitra asa tageegsa.

16 مَهْكَوْلِيْسِي دَايِيْبِ كُوْبِسَة، شَبَاكِ هُوِي نَقْلَة- تَنْفَاْبِ أَوْدَرِ  
دَايَة- أَقْوِيْتِ تَهْوِي مَهْكَوْلِيْسِي إِئْتُوْمِ هَدِيْبَتِ قَدَقِ تَمُوْنُوَة فَدَقِ  
مِتْرَة إِئْتِيْبَتِ مَسَاْفَة إِئْتِيْبَتِكِ إِشْتِه مَهِي دُوْرَايِي دَارِ: مَهْكَوْلُوَة،  
إِيْتِيْكُوَة، وَهِيْوَة كُوَاسَة-

16 Mhawaliisii daayib kwibisa, shibbaak  
hooy nigila. Dheefaab oodar d'iya. Ugawiit  
tehooy mhakwaliisii eedhoom hadiit fadhig  
tamuunwa fadhig mitra eetniit masaafa eebtik  
isha. Mhay dooraayi d'aar: mhakwalwa,  
eebtikwa, whiiwwa kwaasa.

17 أَنِي كُوَانِ هَمَشُكُو تَبْرِيْنَة كَسُوْه كُوْدَسِيْبِيْبِ إِفِدَقِ  
أَنْدِي، نَاتِ هَنْ تَوُبُوْتِي كَهِي تِيْدَهَنْ كِتْدِي-

17 Ani kwaan hamshukw tibariina kastooh  
kwidhsiiniib iifdig andi, naat han toobuuti khii  
tiidhhan kitdi.

18 لَاكِيْنِ أَنِي بَرُوْكَ قَيْبِ قَلْدِ أَدْنَا، بَرُوْكَوَة تَنْكُوْكَوَة،  
يَأْرَاكُوَة، يَأْرِيْتَاكِ تَامَاوَة تُمَرْكَبِيْبِ إِئْدَهَنْ تِيْدَنْتِه-

18 Laakiin ani barook geeb galad adan'i,  
baruukwa tutakatuukwa, y'araakwa, y'areetaak  
taam'atwa tumirkabtiib iidhhan tiyadna.

19 بَرُوْكَ كَسِيْتِيهِ تَهْوِيَاتِي كُوَابُوَة رِبَاوَة يَكْسَا، أَنْ بَرَاهِ  
مَلِيَة تَوَامِيْنِ-

19 Baruuk kasteeh tidhhaniyaatee kwaabwa  
rabaabwa yaksa, aan baraah malya  
tawaameen.

20 كَسِيْتِيهِ إِئْكَلِيْبِي مَلُوْبِ، كَسِيْتِيهِ تَهْوِيَة قَانَكَة جِنْسِيْسُوْه  
تَوُبُوْتِيْبِ إِكُوْرِيْنِ إِئْدَهِيْنَة جَلَايِ يَأْ هُوْكَ إِئْدَنْتِه أَكَايِ، إِئِيْنِ  
بَرِيْسُوْه كُوَابُوَة رِبَاوَة هُوِي يَكْسَا-

20 Kasseeh eekilayee maloob, kasteeh  
tidhhaniya gaatka jinsiisoooh toobuutiib  
ikwarriin indhhiinna jillaay y'aa hook iyadna  
akaay, een bareesoooh kwaabwa rabaabwa  
hooy yaksa.

21 بَرُوْكَ تِيْمَمِيْنَتِه كَسُوْه يَكْسَا، بَرُوْكَوَة بَرِيْسُوَة أَنْفَاتِيْبِيْبِ  
دَايِيْبِ دِيْبِيَة-» إِدِي-

21 Baruuk titamamtina kastooh yaksa,  
barookwa bareeswa anf'atniit daayib dibiya.»  
idi.

22 نُوْهِي أُكْوَاسَنَة سُوْيَانِيْتِ تَوْنَة كَسُوْه إِدَا-

22 Nooh Ukwaasana sooyaneet toona kastooh  
id'i.